

Կազմված է «08» հունվարի 2021թ.

Բաղկացած է 8 էջից

ՀԱՍՏԱՏՎԱԾ Է

«ՎԱՀԵ ՄԵԼԻՔՍԵԹՅԱՆ»

ԿՐԹԱԲԺՇԿԱԿԱՆ ՀԻՄՆԱԴՐԱՄ

հիմնադրելու մասին հիմնադրի

«08» հունվարի 2021թ.

թիվ 1 որոշմամբ

Հիմնադրամի գործադիր տնօրենի ժ/պ՝

Սարգիս Մելիքսեթյան



Տպագրված է ընդամենը 3 օրինակ

Օրինակ 1

ԳՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ

ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

« 19 » « 01 » 2021թ.

Գրանցման համար՝ 222.160.1158991

ՀՎՀՀ՝ 06960578

Աշխատակից՝



«ՎԱՀԵ ՄԵԼԻՔՍԵԹՅԱՆ»

ԿՐԹԱԲԺՇԿԱԿԱՆ ՀԻՄՆԱԴՐԱՄԻ

ԿԱՆՈՆԱԴՐՈՒԹՅՈՒՆ

Երևան-2021

<p align="center">1. ԸՆԴՀԱՆՈՒՐ ԴՐՈՒՅԹՆԵՐ</p>
<p>1.1. «ՎԱՀԵ ՄԵԼԻՔՍԵԹՅԱՆ» հիմնադրամը (այսուհետ՝ նաև «Հիմնադրամ») հիմնադրի կողմից կամավոր գույքային վճարների հիման վրա ստեղծված և անդամություն չունեցող ոչ առևտրային կազմակերպություն է, որը հետապնդում է կրթական, սոցիալական, մշակութային, բարեգործական և այլ հանրօգուտ նպատակներ: Հիմնադրամը հիմնադրվել է հիմնադրի՝ 2021 թվականի հունվարի 08-ի թիվ 1 որոշմամբ և գործում է ՀՀ Սահմանադրությանը, ՀՀ քաղաքացիական օրենսգրքին, «Հիմնադրամների մասին» ՀՀ օրենքին (այսուհետ նաև օրենք), ՀՀ միջազգային պայմանագրերին, իրավական այլ ակտերին և սույն կանոնադրությանը համապատասխան:</p>
<p>1.2. Հիմնադրամի գործունեությունը հիմնված է օրինականության, հրապարակայնության, ինքնակառավարման, իրավահավասարության և կամավորության սկզբունքների վրա:</p>
<p>1.3. Հիմնադրամի անվանումն է. Հայերեն լրիվ՝ «ՎԱՀԵ ՄԵԼԻՔՍԵԹՅԱՆ» կրթաբժշկական հիմնադրամ, Հայերեն կրճատ՝ «ՎԱՀԵ ՄԵԼԻՔՍԵԹՅԱՆ» հիմնադրամ, Անգլերեն լրիվ՝ “VAHE MELIKSETYAN” Educational-Medical Foundation, Անգլերեն կրճատ՝ “VAHE MELIKSETYAN” Foundation, Ռուսերեն լրիվ՝ Учебно-медицинский фонд “ВАГЕ МЕЛИКСЕТЯН” Ռուսերեն կրճատ՝ Фонд “ВАГЕ МЕЛИКСЕТЯН”</p>
<p>1.4. Հիմնադրամի գտնվելու վայրն է՝ ՀՀ ք. Վանաձոր, Տարոն 2, ՔՇՀ 4, 242. 7 բն.:</p>
<p>1.5. Հիմնադրամի հիմնադիրն է՝ Սարգիս Սամվելի Մելիքսեթյանը (ՀՀ քաղաքացի, անձնագիր՝ AN 0474849, տրված՝ 15.05.2013թ., 018-ի կողմից, հասցե՝ ՀՀ ք. Վանաձոր, Տարոն 2, ՔՇՀ 4, 242. 7 բն.):</p>
<p>1.6. Հիմնադիրը պատասխանատվություն չի կրում իր կողմից ստեղծված Հիմնադրամի պարտավորությունների համար: Հիմնադրամը պատասխանատվություն չի կրում իր հիմնադրի պարտավորությունների համար:</p>
<p>1.7. Հիմնադրամը, համաձայն Օրենքի, պարտավոր է ամեն տարի հաշվետվություն հրապարակել իր գործունեության մասին:</p>
<p>1.8. Հիմնադրամն իրավաբանական անձ է և ստեղծված է համարվում օրենքով սահմանված կարգով պետական գրանցման պահից: Հիմնադրամը կարող է ունենալ տարբերանշանով, անվանմամբ կնիք, կարող է ունենալ դրոշմներ և բլանկեր, խորհրդանիշ, ինչպես նաև օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ ռեկվիզիտներ: Հիմնադրամն իրավունք ունի օրենքով սահմանված կարգով բացել բանկային հաշիվներ Հայաստանի Հանրապետության և օտարերկրյա պետությունների բանկերում՝ Հայաստանի Հանրապետության դրամով և (կամ) արտարժույթով:</p>
<p>1.9. Հիմնադրամն ինքնուրույն է որոշում իր գործունեության ռազմավարական ծրագրերը:</p>
<p>1.10. Հիմնադրամը՝ որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով: Հիմնադրամը կարող է իր անունից կնքել պայմանագրեր, համաձայնագրեր, և այլ գործարքներ, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:</p>
<p>1.11. Հիմնադրամը, սույն կանոնադրությանը համապատասխան, սեփականատիրոջ իրավունքով իրականացնում է իր ունեցվածքի տնօրինումը, օգտագործումը և տիրապետումը:</p>

1.12. Հիմնադրամը Հայաստանի Հանրապետությունում և դրանից դուրս կարող է ստեղծել մասնաճյուղեր և ներկայացուցչություններ, ինչպես նաև հիմնարկներ, որոնք գործում են Հիմնադրամի անունից՝ Հիմնադրամի հոգաբարձուների խորհրդի կողմից հաստատված կանոնադրություններին համապատասխան: Կանոնադրության մեջ կատարել փոփոխություններ հոգաբարձուների խորհրդի որոշմամբ:
1.13. Հիմնադրամի իրավունքները կարող են սահմանափակվել միայն օրենքով նախատեսված դեպքերում և օրենքով սահմանված կարգով:
1.14. Հիմնադրամի գործունեության ժամկետն անժամկետ է:
1.15. Հիմնադրամն ունի օրենքով չարգելված բոլոր եղանակներով իր իրավունքների պաշտպանության իրավունք:
1.16. Հիմնադրամը ձեռնարկատիրական գործունեություն իրականացնելու համար իրավունք ունի ստեղծելու տնտեսական ընկերություններ կամ լինելու դրանց մասնակիցը:
1.17. Հիմնադրամը կանոնադրությամբ թվարկված նպատակները հետապնդելիս կարող է անձամբ իրականացնել ձեռնարկատիրական գործունեություն կրթության բնագավառներում, մասնավորապես՝ <ul style="list-style-type: none">• Կրթական ծրագրերի/ դասընթացների/ օնլայն գործիքների նախագծում և արտադրություն հանրային օգտագործման վաճառքի/ լիցենզավորման համար,• Հիմնադրամի առաքելությանը վերաբերող ապրանքների արտադրություն և բաշխում,• Խորհրդատվական ծառայությունների մատուցում կրթական բնագավառում,• Ուսումնական պլանների, մեթոդական դրույթների մշակում,• Կրթության բնագավառում օժանդակ գործունեություն,• Գրքերի և տպագիր հրատարակությունների արտադրություն և իրացում,• Տեսաֆիլմերի, ֆիլմերի (կինո) տեսահոլովակների արտադրություն, իրացում, վարձույթ,• Գրքերի մանրածախ առևտուր մասնագիտական խանութներում,• Բժշկական ընդհանուր պրակտիկա,• Առողջապահության բնագավառում այլ գործունեություն,• Հասարակության հետ կապերի գործունեություն:
1.18. Օրենքով սահմանված գործունեության որոշ տեսակներով Հիմնադրամը կարող է զբաղվել միայն լիցենզիայի առկայության դեպքում՝ լիցենզիա ստանալու պահից կամ նրանում նշված ժամկետում: Եթե լիցենզիայի հատկացման պայմաններում նախատեսված է, որ Հիմնադրամը, բացի լիցենզավորվող գործունեությունից, այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Հիմնադրամը լիցենզիայի գործողության ժամանակ իրավունք չունի զբաղվելու այլ գործունեությամբ՝ բացառությամբ լիցենզիայով նախատեսվածների կամ այն գործունեության, որոնց մասին նշված է լիցենզիայի մեջ:
1.19. Հիմնադրամի նպատակների իրականացման համար կրթական ոլորտի մասնագետներին տրամադրել կրթաթոշակներ, մրցանակներ, արտադրության, ֆինանսական և այլ աջակցություն:
2. ՀԻՄՆԱԴՐԱՄԻ ԳՈՒՅՔԸ
2.1. Հիմնադրի՝ Հիմնադրամին հանձնված գույքը Հիմնադրամի սեփականությունն է:
2.2. Հիմնադրամը տիրապետում, օգտագործում և տնօրինում է իրեն պատկանող ու իր կողմից ձեռք բերված գույքը, այդ թվում՝ ֆինանսական միջոցները՝ իր գործունեության նպատակներին ու գույքի նշանակությանը համապատասխան:

2.3. Հիմնադրամը կարող է որպես սեփականություն ունենալ անշարժ և շարժական գույք, դրամական միջոցներ՝ դրամով, արտարժույթով և այլն:
2.4. Հիմնադրամի գույքի՝ ներառյալ ֆինանսական միջոցները, գոյացման աղբյուրներն են՝
ա) Հիմնադրի կողմից իրականացվող ֆինանսական և նյութական (նաև անշարժ և շարժական գույքի տեսքով) ներդրումները,
բ) քաղաքացիների և իրավաբանական անձանց կողմից բարեգործական նվիրատվությունները և նվիրաբերությունները,
գ) Օրենքով չարգելված այլ աղբյուրներ:
2.5. Հիմնադրամի կազմավորման, զարգացման և միջոցների հավաքագրման գործին մեծ նպաստ բերած անձանց Հիմնադրամի հոգաբարձուների խորհրդի կողմից կարող են շնորհվել պատվավոր կոչումներ՝ հոգաբարձուների խորհրդի անդամների ձայների պարզ մեծամասնությամբ:
<div>3. ՀԻՄՆԱԴՐԱՄԻ ԱՌԱՔԵԼՈՒԹՅՈՒՆԸ, ԳՈՐԾՈՒՆԵՈՒԹՅԱՆ ՆՊԱՏԱԿՆԵՐԸ, ՀԻՄՆԱԴՐԱՄԻ ՇԱՀԱՌՈՒՆԵՐԻ ԽՄԲԵՐԸ</div>
3.1. Հիմնադրամի առաքելությունն է կլինիկական դեղագիտության զարգացումը Հայաստանի Հանրապետությունում:
3.2. Հիմնադրամի հիմնական նպատակներն են.
3.2.1. Կլինիկական դեղագիտության զարգացմանն ուղղված ներպետական և միջազգային միջոցառումների կազմակերպումը,
3.2.2. Կլինիկական դեղագետ մասնագետների կադրային ապահովումը,
3.2.3. Կլինիկական դեղագիտություն մասնագիտությամբ ուսումնառություն անցնող ուսանողների ֆինանսավորումը, վերապատրաստումը,
3.2.4. Կլինիկական դեղագիտությունը՝ որպես գիտության առանձին ճյուղի աղապտացումը,
3.2.5. Բժշկության զարգացման աջակցությունը,
3.2.6. Բժշկության ոլորտում գիտական և կրթական ներուժի զարգացումը,
3.2.7. Կլինիկական դեղագիտության կրթական և գիտական գործունեության խրախուսումը:
3.3. Հիմնադրամի հնարավոր շահառուների խմբերն են.
3.3.1. Հայստանի Հանրապետության և օտարերկրյա պետական և ոչ պետական ուսումնական հաստատությունների ուսանողները, շրջանավարտները, դասախոսները,
3.3.2. Հայստանի Հանրապետության և օտարերկրյա պետական և ոչ պետական ուսումնական հաստատությունների աշակերտները, շրջանավարտները, ուսուցիչները,
3.3.3. Հայստանի Հանրապետությունում և օտարերկրյա պետություններում գործունեություն ծավալող բժիշկները, բժիշկ գիտնականները, բժշկական ծառայողները,
3.3.4. Բժշկությամբ և դեղագիտությամբ հետաքրքրվող ՀՀ և օտարերկրյա իրավաբանական և ֆիզիկական անձինք:
<div>4. ՀԻՄՆԱԴՐԱՄԻ ԿԱՌԱՎԱՐՄԱՆ ՄԱՐՄԻՆՆԵՐԸ, ՀՈԳԱԲԱՐՁՈՒՆԵՐԻ ԽՈՐՀՈՒՐԴ</div>
4.1. Հիմնադրամի կառավարման մարմիններն են Հիմնադրամի հոգաբարձուների խորհուրդը և Հիմնադրամի գործադիր տնօրենը:

4.2. Հիմնադրամի կառավարման բարձրագույն և հսկողություն իրականացնող մարմինը Հիմնադրամի հոգաբարձուների խորհուրդն է (այսուհետ՝ նաև Խորհուրդ):
4.3. Խորհուրդը բաղկացած է 7 (յոթ) անդամից, որոնք իրենց կազմից 2 (երկու) տարի ժամկետով ընդհանուր թվի ձայների մեծամասնությամբ ընտրում են Խորհրդի նախագահին:
4.4. Խորհրդի ատաջին և հաջորդական կազմերը կազմավորվում և նշանակվում/հաստատվում է ուղղակիորեն Հիմնադրամի Հիմնադրի կողմից: Խորհրդի անդամի թափուր տեղ առաջանալու դեպքում անդամի նշանակումը ևս կատարվում է սույն կետով նախատեսված կարգով՝ Հիմնադրի որոշմամբ:
4.5. Խորհրդի անդամները ընտրվում են 2 (երկու) տարի ժամկետով:
4.6. Խորհրդի անդամի լիազորությունը դադարում է ըստ «Հիմնադրամների մասին» ՀՀ օրենքի:
4.7. Խորհրդի անդամի լիազորությունը կարող է դադարել նաև նրա կողմից իր պարտականությունները պատշաճ չկատարելու դեպքում՝ Խորհրդի մնացած անդամների ձայների առնվազն 3/4 -ով:
4.8. Խորհրդի իրավասությունները սահմանվում են «Հիմնադրամների մասին» ՀՀ օրենքով:
4.9. Խորհրդի իրավասություն հանդիսացող հարցերը Կանոնադրությամբ չեն կարող փոխանցվել այլ մարմնի:
4.10. Խորհուրդն իրավունք ունի ծանոթանալու Հիմնադրամի բոլոր փաստաթղթերին:
4.11. Խորհուրդը վերահսկողություն է իրականացնում Հիմնադրամի գույքի նպատակային օգտագործման, ինչպես նաև Հիմնադրամի գործադիր տնօրենի գործունեության նկատմամբ:
4.12. Հոգաբարձուների խորհուրդն իր գործունեությունն իրականացնում է նիստերի միջոցով: Քվեարկության ժամանակ խորհրդի յուրաքանչյուր անդամ ունի մեկ ձայն: Նիստերը կարող են անցկացվել էլեկտրոնային փոստի կամ կապի այլ միջոցների կիրառմամբ: Նիստերը գումարվում են ոչ պակաս, քան տարին մեկ անգամ՝ Խորհրդի նախագահի կողմից: Խորհրդի արտահերթ նիստերը հրավիրվում են Խորհրդի նախագահի նախաձեռնությամբ կամ Խորհրդի անդամների 1/3-ի պահանջով: Խորհրդի նիստերը համարվում են իրավագործ, եթե դրանց մասնակցում է Խորհրդի անդամների ընդհանուր թվի կեսից ավելին: Հոգաբարձուների խորհրդի որոշումներն ընդունվում են նիստին մասնակցող անդամների ձայների մեծամասնությամբ:
4.13. Հոգաբարձուների խորհրդի նախագահի ընտրության և ազատման, հիմնադրամի գործադիր տնօրենի ընտրության և պաշտոնից ազատման, ինչպես նաև հիմնադրամի անվանման փոփոխության, լուծարման և կանոնադրության փոփոխության կամ նոր խմբագրությամբ կանոնադրության հաստատման մասին որոշումներն ընդունվում են հոգաբարձուների խորհրդի անդամների ընդհանուր թվի ձայների մեծամասնությամբ:
4.14. Հիմնադրամի վերակազմակերպումը կարող է կատարվել Խորհրդի անդամների ընդհանուր թվի ձայների որակյալ (2/3) մեծամասնությամբ:
4.15. Խորհրդի նիստերն արձանագրվում են: Արձանագրությունը ստորագրում են տվյալ նիստին մասնակցող Խորհրդի բոլոր անդամները:
4.16. Արձանագրությունում պետք է նշվեն հետևյալ տեղեկությունները՝
● նիստի գումարման տարին, ամիսը, ամսաթիվը և վայրը.
● նիստին մասնակցելու իրավունք ունեցող անձանց (այդ թվում՝ կառավարման մարմնի անդամների) քանակը.
● նիստին մասնակցած անձանց (այդ թվում՝ կառավարման մարմնի անդամների) քանակը, անունները՝ նշելով հիմնադրամի հոգաբարձուների խորհրդի անդամի կարգավիճակը կամ

հիմնադրամում գրադեցրած պաշտոնը.
● նիստի օրակարգը:
4.17. Արձանագրությունը պետք է պարունակի նիստում կայացած ելույթների հիմնական դրույթները, քվեարկության դրված հարցերը, այդ հարցերի վերաբերյալ քվեարկության արդյունքները, նիստում ընդունված որոշումները:
4.18. Խորհրդի արձանագրությունները կազմվում են հայերենով: Դրանք կարող են կազմվել նաև օտար լեզվով: Տեքստերի միջև հակասության դեպքում նախապատվությունը տրվում է հայերեն տեքստին:
4.19. Արձանագրություններից կազմված քաղվածքները պետք է բովանդակեն տեղեկություններ արձանագրությունը ստորագրած անձանց (այդ թվում՝ հատուկ կարծիք ներկայացրած անձանց) վերաբերյալ:
4.20. Խորհրդի նախագահին ընտրում են Խորհրդի անդամները: Խորհուրդը կարող է ցանկացած ժամանակ վերընտրել նախագահին կամ ընտրել նոր նախագահ՝ իր անդամների ընդհանուր թվի ձայների մեծամասնությամբ:
4.21. Խորհրդի նախագահի իրավասությունները և պարտականությունները սահմանվում են «Հիմնադրամների մասին» ՀՀ օրենքով:
4.22. Խորհրդի նախագահի բացակայության դեպքում՝ Խորհրդի որոշմամբ, նրա պարտականությունները կատարում է Խորհրդի անդամներից մեկը:
4.23. Խորհուրդն իր գործունեությունն իրականացնում է իր կողմից հաստատված կանոնակարգին համապատասխան:
<div>5. ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ ԽՈՐՀՐԴԻ ԱՆԴԱՄԻ ԻՐԱՎՈՒՆՔՆԵՐՆ ՈՒ ՊԱՐՏԱՎՈՐՈՒԹՅՈՒՆՆԵՐԸ</div>
5.1. Խորհրդի անդամն իրավունք ունի՝
5.1.1. առաջարկություններ ներկայացնելու Հիմնադրամի հոգաբարձուների խորհրդի նիստերի օրակարգի և քննարկվող հարցերի վերաբերյալ,
5.1.2. նախապատրաստելու և Հիմնադրամի հոգաբարձուների խորհրդի քննարկմանը ներկայացնելու հարցեր, առաջարկություններ և որոշումների նախագծեր,
5.1.3. ստանալու տեղեկություններ Հիմնադրամի գործունեությանը վերաբերող ցանկացած հարցի վերաբերյալ,
5.1.4. ստանալու իր պարտականությունների կատարմամբ պայմանավորված ծախսերի փոխհատուցում,
5.1.5. դուրս գալու Խորհրդից:
5.2. Խորհրդի անդամը պարտավոր է՝
5.2.1. մասնակցել Խորհրդի նիստերին,
5.2.2. իր պարտականությունների կատարման ընթացքում գործել՝ ելնելով Հիմնադրամի շահերից,
5.2.3. հոգալ Հիմնադրամի հեղինակության բարձրացման մասին,
5.2.4. աջակցել Հիմնադրամի ներդրումների համալրմանը,
5.2.5. չխախտել Խորհրդի կանոնակարգի պահանջները:
5.3. Խորհրդի անդամը կարող է ունենալ օրենքով, սույն կանոնադրությամբ և Խորհրդի կանոնակարգով սահմանված այլ իրավունքներ և կրել այլ պարտավորություններ:

<p style="text-align: center;">6. ՀԻՄՆԱԴՐԱՄԻ ԳՈՐԾԱԴԻՐ ՏՆՕՐԵՆԸ</p>
<p>6.1. Հիմնադրամի գործադիր մարմինը Հիմնադրամի գործադիր տնօրենն է, որը ղեկավարում է Հիմնադրամի ընթացիկ գործերը և հաշվետու է Խորհրդին:</p>
<p>6.2. Հիմնադրամի գործադիր տնօրենին ընտրում և պաշտոնից ազատում է Խորհուրդը իր ընդհանուր թվի ձայների պարզ մեծամասնությամբ:</p>
<p>6.3. Խորհուրդն իրավունք ունի ցանկացած ժամանակ լուծել գործադիր տնօրենի հետ կնքված պայմանագիրը՝ օրենքով, Հիմնադրամի կանոնադրությամբ և տվյալ պայմանագրով սահմանված կարգով:</p>
<p>6.4. Հիմնադրամի գործադիր տնօրենի իրավասություններն ու պարտականությունները սահմանվում են «Հիմնադրամների մասին» ՀՀ օրենքով:</p>
<p>6.5. Գործադիր տնօրենը նաև.</p>
<p>6.5.1. տնօրինում է Հիմնադրամի գույքը՝ ներառյալ ֆինանսական միջոցները՝ համաձայն Խորհրդի հաստատված բյուջեի, գործարքներ է կնքում Հիմնադրամի անունից.</p>
<p>6.5.2. ներկայացնում է Հիմնադրամը Հայաստանի Հանրապետությունում և օտարերկրյա պետություններում.</p>
<p>6.5.3. գործում է առանց լիազորագրի.</p>
<p>6.5.4. տալիս է լիազորագրեր.</p>
<p>6.5.5. սահմանված կարգով կնքում է պայմանագրեր, այդ թվում աշխատանքային.</p>
<p>6.5.6. բանկերում բացում է Հիմնադրամի ընթացիկ, հաշվարկային (այդ թվում արտարժույթային) և այլ հաշիվներ.</p>
<p>6.5.7. Խորհրդի հաստատմանն է ներկայացնում Հիմնադրամի աշխատանքային ներքին կանոնակարգերը, առանձնացված ստորաբաժանումների, հիմնարկների ու Հիմնադրամի կողմից հիմնադրվող տնտեսական ընկերությունների կանոնադրությունները, Հիմնադրամի վարչակազմակերպական կառուցվածքը, հաստիքացուցակը.</p>
<p>6.5.8. իր իրավասության սահմաններում արձակում է հրամաններ, հրահանգներ, կատարման համար տալիս է պարտադիր ցուցումներ և վերահսկում դրանց կատարումը.</p>
<p>6.5.9. իրականացնում է Հայաստանի Հանրապետության օրենսդրությունից և սույն կանոնադրությունից բխող այլ լիազորություններ:</p>
<p>6.5.10. աշխատակիցների նկատմամբ կիրառում է խրախուսման և կարգապահական պատասխանատվության միջոցներ:</p>
<p>6.6. տարեկան մեկ անգամ գործադիր տնօրենը հաշվետվություն է ներկայացնում հոգաբարձուների խորհրդին:</p>
<p style="text-align: center;">7. ՀԻՄՆԱԴՐԱՄԻ ԳՈՐԾՈՒՆԵՈՒԹՅԱՆ ՆԿԱՏՄԱՄԲ ՎԵՐԱՀՄԿՈՂՈՒԹՅՈՒՆԸ</p>
<p>7.1. Հիմնադրամի կողմից Հայաստանի Հանրապետության օրենքի պահանջների կատարման նկատմամբ վերահսկողությունն իրականացնում է Հայաստանի Հանրապետության կառավարությանն առընթեր պետական եկամուտների կոմիտեն, իսկ օրենքով սահմանված դեպքերում՝ նաև այլ իրավասու պետական մարմինները՝ իրենց իրավասություններին և ստուգումների ու ուսումնասիրությունների՝ օրենքով նախատեսված ընթացակարգին</p>

համապատասխան:
7.2. Հիմնադրամի կողմից օրենքների պահանջների այնպիսի խախտումներ հայտնաբերվելու դեպքում, որոնք կարող են վերացվել Հիմնադրամի ձեռնարկած միջոցառումներով, վերահսկողություն իրականացնող կամ պետական լիազորված մարմինը Հիմնադրամ է ուղարկում գրավոր նախազգուշացում՝ առաջարկելով խախտումների վերացման կարգն ու ժամկետները:
8. ՀԱՇՎԱՊԱՀԱԿԱՆ ՀԱՇՎԱՌՈՒՄԸ ԵՎ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆԸ
8.1. Հիմնադրամը Հայաստանի Հանրապետության օրենսդրությամբ սահմանված կարգով վարում է հաշվապահական հաշվառում և ներկայացնում ֆինանսական և վիճակագրական հաշվետվություն:
8.2. Հիմնադրամի հաշվապահական հաշվառումը կազմակերպվում ու վարվում, հաշվապահական հաշվետվությունը կազմվում է Հայաստանի Հանրապետության օրենքով սահմանված կարգով:
8.3. Հիմնադրամը պարտավոր է հրապարակել հաշվետվություն իր գործունեության մասին՝ օրենքով սահմանված կարգով:
8. ՀԻՄՆԱԴՐԱՄԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ
9.1. Հիմնադրամը կարող է վերակազմակերպվել և/կամ լուծարվել Հայաստանի Հանրապետության օրենքով սահմանված կարգով:
9.2. Հիմնադրամը կարող է վերակազմակերպվել միայն Հիմնադրամի՝ միացման և միաձուլման ձևով օրենքով նախատեսված կարգով՝ Խորհրդի որոշմամբ:
9.3. Հիմնադրամի լուծարումը նրա գործունեության դադարումն է՝ առանց նրա իրավունքներն ու պարտականությունները իրավահաջորդության կարգով այլ անձանց անցնելու:
9.4. Հիմնադրամը լուծարելու մասին որոշում կարող է ընդունել միայն դատարանը՝ շահագրգիռ անձանց դիմումի հիման վրա: Հիմնադրամի անունից, որպես շահագրգիռ անձ, կարող է հանդես գալ Խորհուրդը:
9.5. Հիմնադրամի լուծարման դեպքում պարտատերերի պահանջների բավարարումից հետո, ինչպես նաև այն դեպքում, երբ լուծարման միջանկյալ հաշվեկշիռը հաստատելու պահին Հիմնադրամը չունի պարտավորություններ պարտատերերի նկատմամբ, գույքն ուղղվում է Հիմնադրամի կանոնադրությամբ նախատեսված նպատակներին, իսկ դրա անհնարինության դեպքում՝ փոխանցվում Հայաստանի Հանրապետության պետական բյուջե:

/Էջի մնացյալ մասը բաց է թողնված/